

trosglwyddo i maethu cymru wreccsam

maethu
cymru

Wrecsam

foster
wales

Wrexham


wrexham
COUNTY BOROUGH COUNCIL
CYNGOR BWRDEISTREF SIROL
wreccsam



trosglwyddo i maethu cymru

Maethu Cymru yw'r rhwydwaith cenedlaethol o wasanaethau maethu Awdurdodau Lleol dielw ledled Cymru, a'n tîm yn **Wreccsam** yw eich rhwydwaith cymorth lleol.

Dim eich asiantaeth faethu safonol yw Maethu Cymru - rydym yn llawer mwy cysylltiedig.

Mae'n ymwneud â dewis pobl, dim elw – fel sefydliad nid-er-elw, mae ein holl gyllid yn mynd yn uniongyrchol i'r gwasanaeth maethu a ddarparwn.

Rydym yn ymroddedig i weithio fel tîm gyda gofalwyr maeth i helpu i adeiladu dyfodol mwy disglair i blant lleol. Rydyn ni'n eu helpu i aros yn eu hamgylcheddau lleol cyfarwydd, pan fo hynny'n iawn iddyn nhw.

eisoes yn ofalwr maeth?

Fel eich gwasanaeth maethu awdurdod lleol rydym yn gyfrifol am yr holl blant a phobl ifanc mewn gofal yn Wrecsam.

Rydym yn gweithio'n agos gyda'r tîm o amgylch y plentyn: gweithwyr cymdeithasol plant, swyddogion adolygu annibynnol, gweithwyr cymorth gofal plant, ysgolion, seicolegwyr addysg ac iechyd, i ddarparu'r canlyniad gorau posibl i'r plant yn ein gofal.

Mae llawer o fanteision i blant pan gânt eu lleoli gyda gofalwyr maeth mewnol. Os ydych yn ofalwr maeth gydag asiantaeth breifat ar hyn o bryd, bydd y canllaw hwn yn darparu'r holl wybodaeth sydd ei hangen arnoch am y broses drosglwyddo.

Fel arall, os ydych yn adleoli ac yn maethu ar gyfer awdurdod lleol arall, rhwch alwad i ni am sgwrs, yna gallwn siarad â'ch tîm presennol i benderfynu ar y broses drosglwyddo gywir i chi.

gwasanaeth maethu awdurdod lleol

Gwefan .llyw (fel arfer)

Mae timau maethu dielw awdurdodau lleol yn rhan o'r un sefydliad sy'n gweithio ochr yn ochr â'r gweithwyr cymdeithasol sy'n gyfrifol am y plant.

Yn gyfreithiol gyfrifol am blant sy'n dod i ofal ac fel arfer yn cysylltu â'u teuluoedd maeth eu hunain yn gyntaf.

Mae gofalwyr yn cael eu paru â phlant o ystod oedran a ffefrir, o fabanod i bobl ifanc yn eu harddegau.

Gofalu am blant sy'n byw ac yn mynychu ysgol o fewn y sir, gan eu helpu i aros yn eu cymuned.

asiantaeth faethu annibynnol

Gwefan .com (fel arfer)

Busnesau preifat, cyfyngedig, er elw. Mae grwpiau o asiantaethau maethu yn aml yn eiddo i ecwiti preifat. Elusennau dielw neu nid-er-elw fel arfer gyda gwefan .org

Dibynnu ar yr awdurdodau lleol i gysylltu â nhw am blant.

Yn nodweddiadol, plant hŷn, gydag anghenion heriol neu grwpiau o frodyr a chwiorydd pan nad yw awdurdodau lleol yn gallu paru â'u gofalwyr maeth eu hunain.

Cwmpasu ardal ddaearyddol eang.



pam trosglwyddo i maethu cymru wreccsam

Rydym yn rhan o dîm gwasanaethau plant yr awdurdod lleol sy'n gyfrifol am ddarparu cartrefi diogel a sefydlog i blant sydd angen gofal.

Mae ein dewis ni yn ymwneud â dewis pobl, nid elw.

Rydym yn gyfeillgar, yn gyfarwydd, ar lawr gwlad yn Wreccsam. Mae gennym wybodaeth leol am ein plant a'n gofalwyr maeth, ac rydym ar gael pryd bynnag y byddwch ein hangen.

Rydym yn deall Wreccsam

Gyda Maethu Cymru Wreccsam byddwch yn rhan allweddol o'n tîm. Byddwn wrth eich ochr bob cam o'r ffordd. Bydd gennych bob amser dîm i'ch annog, eich arwain a'ch cefnogi. Byddwch bob amser yn cael eich cynnwys, eich gwerthfawrogi a'ch parchu.

Bydd gennych fynediad i nifer o grwpiau cymorth gofal maeth lleol lle byddwch yn gallu cyfarfod â gofalwyr maeth eraill mewn sefyllfaoedd tebyg, rhannu profiadau a straeon, a ffurfio cyfeillgarwch. Fe welwch chi gymunedau newydd a phobl sy'n deall.

Mae annog a chynnal cysylltiadau lleol, galluogi plant i barhau yn eu hysgol a'u cefnogi gyda chyswllt â theulu biolegol a ffrindiau lle mae hynny'n rhan o'u cynllun gofal unigol, yn golygu ein bod i gyd yn gweithio gyda'n gilydd i gyflawni'r canlyniadau gorau i blant lleol.

Mae darparu'r cyngor, cymorth a hyfforddiant angenrheidiol pan fo angen yn golygu ein bod yn gallu adeiladu dyfodol gwell i blant lleol gyda chymorth gofalwyr maeth lleol.

Mae symud o'ch asiantaeth faethu bresennol neu awdurdod lleol presennol i Maethu Cymru Wreccsam yn syml. Rhowch alwad i ni ar **01978 295316** am sgwrs gychwynnol neu gallwch gysylltu â ni yn hawdd drwy ein gwefan: wreccsam.maethucymru.llyw.cymru

Byddwn yn siarad am sut y bydd y broses yn gweithio orau i chi, sut y byddwn yn eich cefnogi, yn nodi anghenion ac yn sicrhau bod y broses mor syml â phosibl.

Mae gennym lawer o brofiad o'r broses drosglwyddo p'un a oes gennych blentyn neu berson ifanc yn byw gyda chi eisoes ai peidio, a gallwn leddfu unrhyw bryderon a delio ag unrhyw faterion a allai godi.

beth i'w ddisgwyl gennym ni

- Rhwydwaith cefnogol o dros 100 o ofalwyr maeth wedi'u lleoli yn Wrecsam
- Rhaglen ddysgu a datblygu gynhwysfawr, sydd yn cynnwys dysgu wyneb-wyneb ac arlein, gydag hyfforddiant a datblygiad arbenigol lle bo angen.
- Cofnod dysgu unigol a chynllun datblygu, a fydd yn cynnwys eich holl sgiliau trosglwyddadwy a'r profiadau y byddwch wedi'u hennill ar hyd y ffordd, ac yn gosod llwybr ar gyfer eich dyfodol.
- Cefnogaeth broffesiynol 24/7 ar gyfer cyngor, arweiniad neu gefnogaeth. Byddwch byth yn teimlo'n unig gyda ni.
- Mynediad i nifer o grwpiau cymorth gofal maeth lleol, digwyddiadau a gweithgareddau rheolaidd lle gallwch ddod i nabod gofalwyr a theuluoedd maeth eraill, ennill profiadau newydd, cyfeillgarwch ac atgofion parhaol.
- Cefnogaeth ariannol sylweddol a lwfansau hael.
- Gostyngiad o 75% oddi ar eich treth gyngor.
- Aelodaeth am ddim o'r Rhwydwaith Maethu (TFN) a'r Gymdeithas Maethu a Mabwysiadu (AFA) Cymru.
- Cerdyn Max ac aelodaeth Cadw ynghyd â mynediad i ostyngiadau amrywiol.



rhesymau y mae eraill wedi trosglwyddo



Llwybr 1 ddim yn gofalu am blentyn ar hyn o bryd

1. **Sgwrsiwch gyda'ch tîm Maethu Cymru Wreccsam**
Mae ein cefnogaeth yn dechrau yma. Byddwn yn dod i wybod mwy am pam rydych am drosglwyddo a beth hoffech ei ennill o drosglwyddo i'ch awdurdod lleol.

1. **Cysylltwch am sgwrs**

2. **penderfynu trosglwyddo**

2. **Ar ôl ymweliad cychwynnol, pan fyddwch wedi gwneud y penderfyniad i drosglwyddo, bydd angen i chi roi gwybod i'ch asiantaeth bresennol eich bod wedi gwneud cais i faethu gyda Maethu Cymru Wreccsam a'ch bod, unwaith y bydd eich asesiad wedi'i gwblhau, yn bwriadu ymddiswyddo o'u hasiantaeth.**

4. **penderfyniad terfynol**

3. **asesiad wedi'i dderbyn**

3. **Byddwch wedyn yn cyfarfod eich gweithiwr cymdeithasol asesu, a fydd gyda chi drwy gydol eich proses asesu.**


4. **Ar ôl i'ch asesiad gael ei gwblhau byddwch yn mynychu ein Panel Maethu a fydd yn gwneud argymhelliad ar delerau eich cymeradwyaeth.**
Unwaith y byddwch wedi'ch cymeradwyo gallwch roi 28 diwrnod o rybudd i'ch asiantaeth bresennol.

Byddwn yn cynnal asesiad newydd, ac yn cysylltu â'ch asiantaeth bresennol i gael mynediad at ddogfennaeth sy'n bodoli eisoes i gasglu eich profiad a'ch hyfforddiant maethu blaenorol.

Llwybr 2 yn gofalu am blentyn ar hyn o bryd

1. Yn dilyn camau cychwynnol Llwybr 1, unwaith y byddwch wedi hysbysu eich asiantaeth o'ch dymuniad i symud i Maethu Cymru Wrecsam, byddant yn hysbysu swyddog adolygu annibynnol y plentyn o'ch bwriad i symud.

Yna byddant yn cynnal cyfarfod gan gynnwys pawb sy'n ymwneud â gofalu am y plentyn: chi, yr awdurdod lleol a osododd y plentyn, eich asiantaeth bresennol, a ni.



2. Bydd y cyfarfod yn:

- Sicrhau fod anghenion y plentyn/plant yn parhau i gael eu diwallu a bod eu cynllun(iau) gofal yn cael eu trafod gyda ni fel eich tîm cymorth newydd.
- Trafod anghenion y plentyn a chi fel gofalwyr maeth, a sut y byddwn yn cefnogi'r anghenion hynny.
- Yr amgylchiadau lle gall Maethu Cymru Wrecsam leoli plentyn neu blant arall unwaith y bydd eich trosglwyddiad atom ni wedi ei gwblhau.

3. Tra bod hyn i gyd yn digwydd byddwn yn parhau â'r broses asesu a chymeradwyo.

cwestiynau cyffredin

Oes rhaid i mi gael asesiad ffurfiol i drosglwyddo i Maethu Cymru Wrecsam?

Oes, ond dylai fod yn broses gyflymach na'ch asesiad blaenorol os gallwch roi eich asesiad gwreiddiol i ni. Bydd yn rhaid i chi fynychu hyfforddiant Paratoi i Faethu, a chael y gwiriadau cefndir arferol ac yna bydd eich asesiad yn cael ei gyflwyno i'n panel maethu yn y ffordd arferol.

A oes angen profiad o faethu arnaf i drosglwyddo i Maethu Cymru Wrecsam?

Os ydych yn ofalwr maeth cymeradwy gydag awdurdod lleol neu asiantaeth faethu arall, ond nad ydych wedi maethu plentyn gyda nhw eto, gallwch barhau i drosglwyddo i ni. Er ein bod yn gwerthfawrogi gofalmwr maeth profiadol a'r rhai sydd eisoes yn gofalu am blant sy'n dymuno trosglwyddo, rydym hefyd yn croesawu'r rhai sy'n dechrau ar eu taith faethu. Rydym yn deall nad yw realiti maethu gydag asiantaeth bob amser yn bodloni eich disgwyliadau cychwynnol.

Yn Maethu Cymru Wrecsam y sgiliau a'r profiad sydd bwysicaf i ni. Byddwn yn sicrhau'r cyfatebiaeth orau i chi a'ch teulu ac yn darparu'r gefnogaeth a'r hyfforddiant lleol angenrheidiol i ddiwallu anghenion y plant yn eich gofal.

asesiad?



profiad?



cefnogaeth?



A allaf drosglwyddo os wyf eisoes yn maethu plentyn o awdurdod lleol Wrecsam?


Gallwch, a byddem yn annog hyn yn frwd. Mae eich plentyn eisoes yn cael ei gefnogi gennym ni a'n tîm gofal plant. Fel y bobl allweddol yn y tîm o amgylch y plentyn sy'n gweithio'n uniongyrchol gyda ni, bydd yn galluogi'r gweithwyr proffesiynol eraill sy'n gweithio gyda'r plentyn i weithio'n agosach gyda chi a sicrhau bod cynllun gofal y plentyn yn adlewyrchu eu hanghenion ac yn gweithio gyda'i gilydd i adeiladu bywydau gwell i blant sy'n derbyn gofal.

A allaf drosglwyddo os wyf eisoes yn maethu plentyn gydag awdurdod lleol arall?

Gallwch. Fel arfer, y brif flaenoriaeth yw lles y plentyn. Byddwn yn trafod, gyda chi a'ch awdurdod lleol, y cynllun gofal parhaus, yn archwilio unrhyw effaith bosibl ac a yw er lles gorau'r plentyn i aros yn eich gofal pan fyddwch yn symud i Maethu Cymru Wrecsam. Hoffem gadw deialog agored gyda chi a'ch Awdurdod Lleol presennol, felly dylech drafod eich symudiad gyda nhw hefyd.

Pa mor hir y bydd yn ei gymryd i drosglwyddo?

Rydym yn gwneud pob ymdrech i gymeradwyo eich trosglwyddiad cyn gynted â phosibl ac anelu at gael eich cymeradwyo o fewn amserlen mor fyr â phosibl, yn ddelfrydol o fewn 4-6 mis



pam ymunodd rhai o'n gofalwyr maeth â thîm maethu cymru

"Mae rhwydwaith
cefnogol o bobl leol y
gallwch chi siarad â nhw,
sydd hefyd yn ofalwyr
gyda phrofiadau tebyg,
yn gwneud cymaint o
wahaniaeth."

"Mae cadw ymdeimlad y
plentyn o hunaniaeth a
chynefindra yn bwysig
iawn a gall eu helpu i
ymgartrefu yn eu cartref
a'u hamgylchedd
newydd."

"Roedden ni eisiau i'r
plant barhau i gael
mynediad at eu
ffrindiau, eu teulu a lle
bo modd, eu hysgol."

**maethu
cymru**

Wrecsam

**foster
wales**

Wrexham

01978 295316

wrecsam.maethucymru.llyw.cymru